



JABATAN HAL EHWAL AGAMA ISLAM NEGERI SABAH

جَبَاتُ هَالِ الْاَهْوَالِ الْاِغَامَا الْاِسْلَامِ نَغَرِي سَابَاهْ

KHUTBAH JUMAAT PERTAMA DAN KEDUA

12 RABIULAWAL 1447H/ 05 SEPTEMBER 2025M

FITNAH DIJAUHI, SUNNAH DIKUTI

Disediakan oleh

Jabatan Hal Ehwal Agama Islam Negeri Sabah (JHEAINS)

Sempena Sambutan Maulidur Rasul SAW 1447H/ 2025M

Arahan kepada PTA/ PPMD/ AJK MASJID/ SURAU:

- Seksyen 97, Enakmen 3 Tahun 1995, Enakmen Kesalahan Jenayah Syariah 1995, Bahagian IV - Kesalahan Khutbah menyatakan bahawa menjadi kesalahan bagi khatib yang membaca khutbah Jumaat yang bukan disediakan, disemak atau diluluskan oleh Majlis dan boleh, apabila disabitkan, dikenakan hukuman denda tidak melebihi dua ribu ringgit atau penjara selama tempoh tidak melebihi satu tahun atau kedua-duanya sekali.
- Khatib hendaklah menyemak terlebih dahulu khutbah ini sebelum disampaikan kepada para jemaah supaya sempurna rukun dan baris agar dapat disampaikan dengan fasih dan lancar.
- Khutbah ini hendaklah dibaca oleh Imam Qariah atau Imam Rawatib yang bertugas di masjid atau surau yang berkenaan kecuali ada kebenaran khas dari Jabatan Hal Ehwal Agama Islam Negeri Sabah (JHEAINS).
- Khutbah hendaklah disampaikan pada tarikh dan masa yang ditetapkan oleh JHEAINS.
- Khatib tidak dibenarkan meminda isi perkataan dalam khutbah ini kecuali untuk menyempurnakan rukun khutbah, kesilapan ejaan dan baris pada ayat-ayat al-Quran & Hadis yang terkandung di dalamnya.
- Khutbah hendaklah disampaikan dalam tempoh 10 - 15 minit sahaja.



Mohon semak QR code ini jika ada sebarang cadangan penambahbaikan. Sekian, terima kasih

KHUTBAH PERTAMA

الْحَمْدُ لِلَّهِ الْقَائِلِ:

وَاتَّقُوا فِتْنَةً لَا تُصِيبَنَّ الَّذِينَ ظَلَمُوا مِنْكُمْ خَاصَّةً وَعَلَّمُوا أَنَّ اللَّهَ شَدِيدُ الْعِقَابِ ﴿٢٥﴾

(الأنفال: 25)

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى حَبِيبِنَا وَشَفِيعِنَا مُحَمَّدٍ، أَشْرَفِ الْأَنْبِيَاءِ وَالْمُرْسَلِينَ، وَعَلَى آلِهِ وَصَحْبِهِ أَجْمَعِينَ، وَالتَّابِعِينَ لَهُمْ بِإِحْسَانٍ إِلَى يَوْمِ الدِّينِ.

أَمَّا بَعْدُ، أَيُّهَا الْمُسْلِمُونَ، أُوصِيكُمْ وَإِيَّايَ بِتَقْوَى اللَّهِ

قَالَ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ

مُسْلِمُونَ ﴿١٠٢﴾

SAUDARAKU JEMAAH JUMAAT YANG DIKASIHI,

Saya berpesan pada diri khatib sendiri, seterusnya memperingatkan jemaah Jumaat sekalian, agar marilah kita meningkatkan nilai ketakwaan kita. Nilai ketakwaan yang dijana melalui pengabdian diri hanya kepada Allah SWT dengan melaksanakan segala perintah serta menjauhi segala tegahan-Nya dan Sunnah baginda Rasulullah SAW. Khatib turut mengingatkan kepada jemaah agar terus istiqamah mendengar serta menghayati khutbah yang disampaikan tanpa melakukan perkara yang sia-sia seperti bercakap-cakap mahupun bermain telefon bimbit.

Bersempena dengan sambutan Maulidur Rasul SAW yang berlangsung hari Jumaat yang mulia ini, khatib akan menyampaikan khutbah yang bertajuk : ***“FITNAH DIJAUHI, SUNNAH DIKUTI”***.

JEMAAH JUMAAT YANG DIKASIHI,

Allah SWT memperingatkan kita daripada terjerumus dalam fitnah yang berupaya merosakkan iman, persaudaraan dan keharmonian masyarakat. Allah berfirman menerusi surah al-Anfal, ayat 25 yang khatib bacakan pada permulaan khutbah ini :

وَاتَّقُوا فِتْنَةً لَا تُصِيبَنَّ الَّذِينَ ظَلَمُوا مِنْكُمْ خَاصَّةً وَاعْلَمُوا أَنَّ اللَّهَ شَدِيدُ
الْعِقَابِ ﴿٢٥﴾

Yang bermaksud : *"Dan jagalah diri kamu daripada (berlakunya) dosa (yang membawa bala bencana) yang bukan sahaja akan menimpa orang-orang yang zalim di antara kamu secara khusus (tetapi akan menimpa kamu secara umum). Dan ketahuilah bahawa Allah Maha berat azab seksa-Nya."*

HADIRIN JEMAAH JUMAAT YANG DIRAHMATI,

Fitnah itu adalah satu ujian yang mampu menggoncang iman, memecah-belahkan keluarga, masyarakat hatta umat dalam sesebuah negara yang berdaulat. Rasulullah SAW telah memberi amaran keras seperti sabdanya:

سَتَكُونُ فِتْنٌ الْقَاعِدُ فِيهَا خَيْرٌ مِنَ الْقَائِمِ وَالْقَائِمُ فِيهَا خَيْرٌ مِنَ الْمَاشِي وَالْمَاشِي فِيهَا خَيْرٌ
مِنَ السَّاعِي مَنْ تَشَرَّفَ لَهَا تَسْتَشْرِفُهُ فَمَنْ وَجَدَ مِنْهَا مَلْجَأً أَوْ مَعَاذًا فَلْيَعُذْ بِهِ

Yang bermaksud: *"Akan terjadi fitnah, ketika itu yang duduk lebih baik daripada yang berdiri, yang berdiri lebih baik daripada yang berjalan, yang berjalan lebih baik daripada yang berlari, barang siapa berusaha menghadapi fitnah itu, justeru fitnah itu akan mempengaruhinya, maka barang siapa mendapat tempat berlindung atau pertahanan, hendaklah ia berlindung diri di tempat itu."* (HR. Bukhari)

Maka jalan keselamatan adalah dengan berpegang teguh kepada al-Quran dan sunnah Rasulullah SAW. Sunnah Baginda adalah cahaya yang menyinari jalan hidup kita, membawa kita kepada akhlak mulia, sentiasa berwaspada dalam penyampaian sesuatu berita, berlapang dada dalam mencari kebenaran serta bersabar juga reda dalam menanti keadilan.

SIDANG JEMAAH JUMAAT YANG DIKASIHI,

Orang yang gemar menabur fitnah, menyebarkan khabar angin dan suka mengadu domba bukan sahaja mendapat dosa besar, bahkan menjadi sebab mendapat azab kubur kelak. Rasulullah SAW pernah mengingatkan kita semasa Baginda sedang melewati dua kubur, Baginda Rasul pernah bersabda **yang maksudnya:** *“Sesungguhnya dua orang ini (yakni dua kubur tadi) sedang diazab, dan mereka tidak diazab kerana dosa yang dianggap besar. Salah seorang daripadanya tidak menjaga diri daripada kencing merata rata, manakala seorang lagi (diazab) kerana suka menyebarkan “Namimah” iaitu adu domba.”* (HR. Bukhari & Muslim)

Jelas kepada kita, bahaya fitnah dan namimah, bukan sahaja mendapat azab di dunia, bahkan seksaan di akhirat bakal menanti. Oleh itu, jagalah lidah kita dari mereka cerita, jagalah jemari kita daripada menulis berita palsu, gambar atau mesej yang tidak dapat dipastikan kesahihannya.

JEMAAH JUMAAT YANG DIHORMATI,

Dalam sejarah Islam, pernah berlaku fitnah besar yang dikenali sebagai “Hadithul Ifk” (حَدِيثُ الْإِفْكِ) yakni peristiwa fitnah yang berlaku ke atas “Ummul Mukminin”, Saiyidatina ‘Aisyah Radiallahu ‘anha. Orang Munafik menuduh beliau dengan tuduhan palsu. Fitnah itu turut mengoncang Madinah, menimbulkan keraguan malah mencetus kegelisahan. Lalu

bagaimanakah akhlak Rasulullah SAW menangani fitnah ini? Rasulullah SAW membimbing kita dengan tindakan seperti berikut :

Pertama: Baginda bersabar dan tidak tergesa-gesa menghukum. Rasulullah SAW menahan diri daripada membuat keputusan tanpa bukti.

Kedua: Baginda menasihati para sahabat agar tidak menyebarkan suatu perkhabaran atau berita tanpa kepastian. Baginda mengingatkan umat, bahawa menyebarkan fitnah tanpa bukti adalah berdosa besar.

Justeru khatib turut mengimbau kepada jemaah Jumaat sekalian, mutakhir ini kita dihadangkan dengan pelbagai ujian berupa fitnah, provokasi, adu domba, penipuan serta sifat suka memanipulasi keadaan. Sifat suka menuduh tanpa bukti yang sahih, apatah lagi ada pihak yang begitu dangkal terus mempercayai tanpa hujung pangkal. Lebih parah lagi ada pula yang cuba menangguhkan di air keruh, demi meraih tangga populariti, sehingga sanggup menyetepikan emosi sesetengah pihak yang sedang berduka dan kecewa.

Islam tidak melarang untuk kita mencari keadilan dan kebenaran, namun jangan sampai terlalu beremosi membuat andaian, menjaja cerita tanpa kepastian sehingga kita lupa bahawa **HAKIM** sebenar sedang memerhati. Jangan pula suka menebar kebencian, membuka keaiban, mencaci dan menghukum seseorang tanpa sedikit pun ada rasa simpati. Allah SWT amat mengecam perbuatan manusia yang suka menyebarkan fitnah, seperti firman-Nya dalam surah an-Nur, ayat 11 :

إِنَّ الَّذِينَ جَاءُوا بِالْإِفْكِ عُصْبَةٌ مِّنْكُمْ لَا تَحْسَبُوهُ شَرًّا لَّكُم بَلْ هُوَ خَيْرٌ لَّكُمْ لِكُلِّ
أَمْرٍ مِّنْهُمْ مَا أَكْتَثَبَ مِنَ الْإِثْمِ وَالَّذِي تَوَلَّى كِبْرَهُ مِنْهُمْ لَهُ عَذَابٌ عَظِيمٌ ﴿١١﴾

Yang bermaksud : “Sesungguhnya orang-orang yang membawa berita bohong itu adalah segolongan dari kalangan kamu juga. Maka janganlah kamu menyangka bahawa peristiwa itu buruk bagi kamu, bahkan ia baik bagi kamu. Bagi tiap-tiap seorang dari mereka (yakni yang terlibat dalam fitnah itu) akan mendapat balasan dosa yang dikerjakannya (fitnah tersebut)”.

Rasulullah SAW juga turut memberikan amaran keras kepada mereka yang suka menyebarkan atau bercakap sesuatu perkara yang tidak diketahui kebenarannya. Baginda Rasul SAW bersabda :

إِنَّ الْعَبْدَ لَيَتَكَلَّمُ بِالْكَلِمَةِ مَا يَتَّبِعُ فِيهَا يَزِلُّ بِهَا فِي النَّارِ أَبْعَدَ مِمَّا بَيْنَ الْمَشْرِقِ

Yang bermaksud: “Seseorang hamba apabila ia bercakap tentang satu perkataan yang dia sendiri tidak selidiki akan kebenarannya, maka ia akan tergelincir ke dalam neraka yang jauhnya adalah sejauh arah timur.” (HR. al-Bukhari, 6477)

HADIRIN JEMAAH JUMAAT YANG DIREDAI ALLAH SWT,

Menyimpul khutbah bersempena Sambutan Maulidur Rasul SAW pada kali ini, marilah kita perbanyakkan selawat ke atas Baginda. Ikutilah, dan amalkan sunnah Rasulullah SAW yang mengutamakan hikmah, keadilan dan kesabaran dalam segenap dimensi kehidupan kita. Jauhilah sifat suka membuat fitnah, jangan mudah menyebarkan berita tanpa bukti, serta bersabarlah menghadapinya kerana akhirnya kebenaran pasti akan terserlah. Allah SWT berfirman menerusi surah ali-'Imraan, ayat 31 :

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ وَيَغْفِرْ لَكُمْ ذُنُوبَكُمْ وَاللَّهُ غَفُورٌ رَحِيمٌ ﴿٣١﴾

Yang bermaksud : *"Katakanlah (wahai Muhammad): "Jika benar kamu mengasihi Allah maka ikutilah daku, nescaya Allah mengasihi kamu serta mengampunkan dosa-dosa kamu. Dan (ingatlah), Allah Maha Pengampun, lagi Maha Mengasihani."*

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ، الْأَحْيَاءِ مِنْهُمْ وَالْأَمْوَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

تيكس خطبة كدوا

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ، وَعَلَى آلِهِ وَأَصْحَابِهِ أَجْمَعِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تَقَاتِهِ وَاعْلَمُوا أَنَّ اللَّهَ أَمَرَكُمْ بِأَمْرِ عَظِيمٍ، أَمَرَكُمْ بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، فَقَالَ اللَّهُ تَعَالَى:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا. اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ مَجِيدٌ.

آمِينَ يَا رَبَّ الْعَالَمِينَ. اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ. اللَّهُمَّ أَنْزِلِ الرَّحْمَةَ وَالْبَرَكَاتِ وَالْهُدَايَةَ وَالسَّلَامَةَ وَالسَّكِينَةَ وَالصِّحَّةَ الدَّائِمَةَ عَلَى مَلِكِنَا كَبَاوَه دُولِي يَغْ مَها مَوْلِيَا سَرِي قَادُوكْ بَكِينِدَا يَغْ دَفَرْتَوَانْ أَكُوغْ وَكَذَلِكَ عَلَى فَخَّامَةِ الرَّئِيسِ الْأَعْلَى تَوَانْ يَغْ تَرَاوْتَامْ يَغْ دَفَرْتَوَانْ نَكْرِي سَابَه. وَاجْعَلِ اللَّهُمَّ هَذِهِ الْبَلَدَةَ وَسَائِرَ بِلَادِ الْمُسْلِمِينَ آمِنَةً مُطْمَئِنَّةً، إِنَّكَ رَعُوفٌ رَحِيمٌ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ وَالْمُنْكَرَ وَالْمِحْنَ وَالْفِتْنَ، مَا ظَهَرَ مِنْهَا وَمَا بَطَنَ، مِنْ بَلَدِنَا هَذَا خَاصَّةً، وَمِنْ بُلْدَانِ الْمُسْلِمِينَ عَامَّةً، إِنَّكَ عَلَى كُلِّ شَيْءٍ قَدِيرٌ.

Ya Allah, selamatkanlah saudara kami yang dizalimi di bumi barakah Palestin, kasihani dan limpahkanlah Rahmat-Mu ke atas mereka.

Ya Allah! Naungilah kehidupan, negeri dan juga negara kami. Hiasilah diri kami dengan sifat terpuji dan jauhi kami dari sifat yang keji. Jadikanlah kami dan keturunan kami orang-orang yang istiqamah mendirikan solat secara berjemaah, menunaikan zakat, berpuasa dalam bulan Ramadan, mengerjakan ibadah haji, mewakafkan harta dan berinfaq pada jalan yang

Engkau redai. Sesungguhnya hanya kepada-Mu jua Ya Allah tempat kami mengadu dan memohon pertolongan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
عِبَادَ اللَّهِ،

إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يُعْظُمُ لَعَلَّكُمْ تَذَكَّرُونَ
فَاذْكُرُوا اللَّهَ الْعَظِيمَ يَذْكُرْكُمْ، وَاشْكُرُوا لَهُ عَلَىٰ نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ
وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.

Disediakan dan diedar oleh:

Bahagian Penyelidikan dan Informasi, Jabatan Hal Ehwal Agama Islam Negeri Sabah

NOTA:

Teks khutbah ini mengandungi potongan ayat-ayat al-Quran dan Hadis Rasulullah SAW. Mohon jaga dengan cermat dan tidak disepahkan.

Sebarang pertanyaan atau maklum balas, sila hubungi

Unit Penerbitan, Bahagian Penyelidikan dan Informasi, Jabatan Hal Ehwal Agama Islam Negeri Sabah

Hubungi [088-522127](tel:088-522127) / jheains.penerbitan@gmail.com untuk sebarang pertanyaan/ maklumat lanjut.